

आकाशवाणी

खबरां अभिलाषा शर्मा कोला।

1. प्रधानमंत्री नरेन्द्र मोदी होरें आखेआ ऐ जे संस्कृति, खानपान ते क्रिकेट नै भारत ते गुयाना गी बड़े नेड़मे ढंग्गै'नै आपूं-चै जोड़े दा ऐ।
2. राष्ट्रपति द्रौपदी मुर्मु होरें आखेआ ऐ जे भारत, अपनी समृद्ध सांस्कृतिक विरासत दा संरक्षण करदे होई बी आधुनिक तरक्की दा लक्ष्य हासल करी सकदा ऐ।
3. उद्योग ते बपार मंत्री पीयूष गोयल होरें आखेआ ऐ जे सरकार डेटा दी गोपनीयता जकीनी बनाने लेई कानून बनाग।
4. प्रसार भारती दे अध्यक्ष नवनीत कुमार सहगल होरें संगठन दे ओटीटी प्लैटफार्म – वेक्स गी जारी कीते जाने दे सरबंधै च आखेआ ऐ जे एह स्टाडी जिम्मेदारी ऐ जे अस परोआरिक मनोरंजन आहले साफ-सुथरे कार्यक्रम तैयार करचै जेहड़े समाज दे सब्बने तबके तगर पुज्जन।
5. पाकिस्तान दे खैबर पख्तूनखवा प्रांतै च जात्तरी गडिडएं पर होए दे हमले च मरने आहले दी गिनतरी बधियै 38 होई गई ऐ।

<><><><><><>

PM-Gayana

प्रधानमंत्री नरेन्द्र मोदी होरें आखेआ जे संस्कृति, खान-पान ते क्रिकेट भारत ते गयाना गी मजबूती कन्नै जोड़दे न। गुयाना दी राजधानी जॉर्ज टाउन च भारतीयें गी संबोधत करदे होई प्रधानमंत्री होरें आखेआ जे एह समानताएं ते सांझा दृष्टिकोण दौनें मुल्खें दे सरबंधें गी मजबूत करदे न। उनें गुयाना दे विकास च भारतीयें दे योगदान दी सराहना कीती। उनें आखेआ जे पिछले दहाके च भारत दी तरक्की व्यापक ते टिकारू रेही ऐ। उनें आखेआ जे भारत तौले गै त्रीह सब्बने शा बड़्डी अर्थबवस्था बनी जाग। प्रधानमंत्री मोदी होरें आखेआ जे समावेशी समाज दे निर्माण आस्तै लोकतंत्र सब्बने शा बड़्डा साधन ऐ। कल संजा गुयाना दी संसद दे विशेष सत्र गी संबोधत करदे होई प्रधानमंत्री होरें आखेआ जे दुनिया दे सामने

अग्गे बधने लेई सब्बने कोला मजबूत मंत्र ऐ “लोकतंत्र पैहले मनुक्खता पैहले”। उनें आखेआ जे लोकतंत्र साढे डीएनए साबै बिजन ते साढे आचारण च ऐ। व्रधानमंत्री होरें आखेआ जे दुनिया दे कुसै बी मुखे दे संकट दरान भारत दे निष्ठापूर्ण जतन सब्बने शा अग्गे होंगन ते सब्बने शा पैहले मदाद लेई अपना हत्थ बधाग। उनें आखेआ जे भारत ते गुयाना बश्कार विशेष सरबंध न। 180 बरे पैहले इक भारतीय सब्बने शा पैहले गुयाना आया ते ओहदे बाद थमां गै भारत ते गुयाना बश्कार म्हेशां गै नेडमे रेह न। श्री मोदी होरें आखेआ जे गुयाना च भारतीयें दी पुज्ज कन्नै सरबंधत स्मारक इनें नेडमे सरबंध दा प्रतीक ऐ। प्रधानमंत्री होरें आखेआ जे गुयानाने उनेंगी देश दे सर्वोच्च सम्मान कन्नै सम्मानित कीता ते एहदे लेई ओह गुयाना दे सब्बने नागरिकें दे अभारी न।

<><><><><><><><>

Foreign

विदेश मंत्रालय नै आखेआ ऐ जे 56एं बरे मगरा इक भारतीय प्रधानमंत्री होरें गुयाना दा दौरा लाया ऐ। इस करी प्रधानमंत्री हुंदे इस दौरे दा बड़ा महत्व ऐ। जॉर्ज टाउन च मीडिया गी संबोधत करदे होई मंत्रालय दे सचिव जयदीप मजुमदार होरें पिछले डेढ बरे थमां भारत ते गुयाना दे रिश्ते दे बंदशे महत्व उप्पर लोह पाई ऐ जेहदे च केई उच्ची राहत दी बैठक दा आयोजन कीता गेआ। उनें दस्सेआ जे प्रधानमंत्री मोदी हुंदी गुयाना यात्रा दौनें मुखें बश्कार व्यापक ते गेहरे रिश्ते लेई मंच तैआर करदी ऐ। अपनी गल्लबात दरान प्रधानमंत्री ते गुयाना दे राष्ट्रपति डॉ. मोहम्मद इरफान अली होरें भारत ते गुयाना दे सरबंधे बारे तफसीली गल्लबात कीती ऐ। इससै दरान 10एं समझौते पर दस्तखत कीते गे जिंदे च हायड्रोकार्बन, ऊर्जा, सेहत ते दुआइयां, खेतीबाड़ी, डिजीटल सैह्योग, संस्कृति ते रक्षा ते सुरक्षा अध्ययने जनेह क्षेत्रें गी संबोधत कीता गेआ।

<><><><><><><><>

PM-Gandhi

प्रधानमंत्री नरेन्द्र मोदी होरें गुयाना दे जॉर्ज टाउन च महात्मा गांधी हुंदी प्रतिमा पर फुल्लें दी माला अर्पित कीती। बापू हुंदे शांति ते अहिंसा दे मूल्य गी चेता करदे होई उनें आखेआ जे एह मूल्य मनुक्खता दा मार्गदर्शन करांरदे न। जॉर्ज टाउन च 1969 च गांधी जी हुंदी 100मीं बरेगंड दी याद च एह मूर्ति स्थापत कीती गई ही। प्रधानमंत्री होरें आर्य सम्मान

स्मारक पर बी फुल्लें दी माला भेंट कीती। गयाना च आर्य समाज आंदोलन दे 100 ब'रे पूरे होने दे मोके पर ब'रे 2011 च इस स्मारक दा उद्घाटन कीता गेआ हा। प्रधानमंत्री होरें जॉर्ज टाउन दे स्मारक गार्डन च इंडियन एराईवल मोन्यूमेंट दा बी दौरा कीता। उंदे कन्नै गयाना दे प्रधानमंत्री अवकाश प्राप्त ब्रिगेडियर मार्क फिलिप्स बी उत्थें मजूद हे। प्रधानमंत्री मोदी होर भारतीय मूल दे निवासिएं दे संघर्ष ते उंदे योगदान गी चेता कीता। एह स्मारक 1838 च भारत थमां गिरमिटिया प्रवासिएं गी आन्नने आले पैहले जहाज दा चेता दुआंदा ऐ। इसी भारत नै गयाना दे लोकें गी 1991 च इक तोहफे दे रूपै च भेंट कीता हा।

<><><><><><><><>

President

राष्ट्रीपति द्रौपदी मुर्मू होर अज्ज हैदराबाद दे शिलपरमाम च चौथे लोक मंथन दा औपचारिक तौर पर उद्घाटन करा'रदियां न। अंतर्राष्ट्रीय सांस्कृतिक महोत्सव दा उद्घाटन पैहली बारी देसै दे दक्खनी राज्यें च कीता जा'रदा ऐ। प्रगजना वहिनी हुंदे आस्सेआ आयोजित इस लोकमंथन च तकरीबन इक दर्जन मुल्लखें दे कलाकारें सांस्कृतिक नुमायंदे ते बुद्धिजीविएं दी हिस्सा लैने दी मेद ऐ। इस दरान बक्ख-बक्ख मुल्लखें दे बक्ख-बक्ख समुदायें दी संस्कृति, परंपराएं, विरासत ते हुनर गी उजागर करदे होई तकरीबन 100 संस्कृतिक कार्यक्रम ते इक प्रदर्शनी बी कीती जा'रदी ऐ। कल राष्ट्रपति मुर्मू होर हैदराबाद च कोटी दीपोत्यवम आयोजन च हिस्सा लैता। इस समारोह च इक बड्डी संभा गी संबोधत करदे होई उनें नागरिकें गी समग्र विकास ते सांस्कृतिक संरक्षण दी दिशा च कम्म करने लेई आखेआ। राष्ट्रपति होरें इस कार्यक्रम च हिस्सा लेने पर अपनी खुशी जाहर कीती। एह कार्यक्रम तेलुगू कला संस्कृति ते विरासत च गैहरी जडें आस्तै मनाया जंदा ऐ।

<><><><><><><><>

Piyush Goyal

उद्योग ते बपार मंत्री पीयूष गोयल होरें आखेआ ऐ जे सरकार डेटा दी गोपनीयता जकीनी बनाने लेई कानून बनाग। उनें आखेआ जे भारत नमिएं तकनीकें ते नमिएं काहडें च निवेश दा इक प्रमुख देश बनोग ते कनूनी मजबूती कन्नै डेटा गी सुरक्षित रक्खना मुमकन होग। श्री गोयल होरें ब्रिटेन-भारत बपार परिषद दे सम्मेलन च आखेआ ऐ जे डेटा लेई बडी मती ऊर्जा दी लोड़ होग ते देशों दे पावर ग्रिड दी एहदे च मती बड्डी भूमिका होग। उनें इब्बी

आखेआ जे डिजिटल दुनिया गी टिकाऊ ढांचा देई सकने दे मामले च भारत सब्बनें शा खरी स्थिति च नजरी आवै करदा ऐ।

<><><><><><><>

Prasar Bharti-OTT

प्रसार भारती दे अध्यक्ष नवनीत कुमार सहगल होरें आखेआ ऐ जे एह सादर जिम्मेदारी ऐ जे अस साफ सुथरे परोआरिक मनोरंजन आले कार्यक्रम बनाचै जेहडे समाज दे सब्बने वर्ग तगर पुज्जन। लोक प्रसारक प्रसार भारती दे ओटीटी प्लेटफार्म वेक्स गी शुरू करोंआने मगरा मीडिया गी संबोधत करदे होई श्री सहगल होरें दस्सेआ जे वेक्स पलेटफार्म पर दूरदर्शन दे संग्रैह करियै रखे गेदे ओकडे शानदार कार्यक्रमें दा प्रसारण बी कीता जाग जिनेंगी दिक्खियै केई लोक बड्डे होए दे न। उनें इब्बी दस्सेआ जे देसै दे इतिहास ते समृद्ध सांस्कृतिक विरसें पर केन्द्रित इलाकाई सांस्कृतिक कार्यक्रमें दा प्रसारण बी इ समंच दे माध्यम कन्नै कीता जाग।

<><><><><><><>

IFFI Goa

55में भारती अंतरराष्ट्री फिल्म महोत्सव च दुए दिन अज्ज बक्ख-बक्ख विघाएं, भाषाएं ते बक्ख-बक्ख मुखें दिआं 70 शा मतियां फिल्मां दस्सियां जाडन। अज्ज नागार्जुन अक्कीनेनी, विधू विनोद चोपड़ा ते मणिरत्नम हुंदे सने मन्नी-परमन्नी दिआं फिल्म हसतियां अपने विचार सांझे करडन। कल संज्ञां उद्धाटित सफरनामा प्रदर्शनी ते इफ्फीएस्टा ज्नेय महोत्सव दे हिस्से अज्ज बड़ी मती गिनतरी च फिल्म प्रेमियें गी अपनी बक्खी आकर्षित करी सकदे न। एहदे अलावा अलावा केई नमें कार्यक्रमें गी लेइयै भागीदार अज्ज दर्शकें दा बड़ा मता मनोरंजन करडन।

<><><><><><><>

Khyber Pakhtunkhwa Killed

पाकिस्तान च कल उत्तर-पच्छमी खैबर पख्तूनख्वा प्रांता दे इक कबायली इलाके च बंदूकधारियें आसेआ जात्तरी गड्डिडएं पर कीती गेदी गोलीबारी च घट्टोघट्ट 38 लोक मारे

गे ते 29 जने घाऽल होई ग। प्रांत दे मुख्ख सचिव नदीम असलम चौधरी मूजब, एह हमला कुर्रम कबायली जिले च होआ। उनें आखेआ जे एहदे च मरने आहलें दी गिनतरी बघने दी शेंका ऐ। हासल जानकारी मूजब, जात्तरी गड्डिं दे द'ऊं काफिले हे, जिं'दे चा इक पेशावर थमां पाराचिनार ते दुआ पाराचिनार थमां पेशावर जा करदा हा, जिसलै थेहारबंद लोकें उंदे पर गोलीबारी कीती।

<><><><><><>

Cricket

क्रिकेट च भारत ते ऑस्ट्रेलिया बश्कार बॉर्डर-गॉवस्कर ट्राफी प्रतियोगिता अज्जै थमां पर्थ दे आप्टस स्टेडियम च शुरू होई गेदी ऐ। मैच भारती समें मताबक बड्डलै 7 बज्जियै 50एं मिंटें पर शुरू होआ। भारती टीम नै पैहले बल्लेबाजी करदे होई खीरी जानकारी थोने तगर 3 विकटें दे नुकसान पर 32 रन्ज बनाई लैते दे न। भारत टीम मेजबान ऑस्ट्रेलिया दे कन्नै अज्जै थमां लेइयै अगले ब'रे 7 जनवरी तगर 5 टेस्ट मैच खेड्ढोग। भारती कप्तान रोहित शर्मा निजी कारणें करी पैहला टेस्ट मैच नेई खेड्ढा करदे न। उंदी गैर-मजूदगी च जसप्रीत बुमराह टीम दी अगुवाई करै करदे न। शुभमन गिल बी अंगूठे दी सट्ट करी पैहला मैच नेई खेड्ढी सकै करदे न।

<><><><><><>